



EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

EXEQUIÆ

NOBILIS ADOLESCENTULI,

CVNONIS à VVERDER,

Viri Magnifici & Nobilissimi,

HEINRICI à VVERDER, Consiliarij

Anhaltini, &c: filioli dilectissimi,

XXV. Martij, Anno M. DC. XXXIII,

piè defuncti,

In frequentissimo lugentium catu

Celebiatæ

à

Nobili Adolescente,

MELCHIORE TOBIA HÜBNERO,

SERVESTÆ,

XXXI. Martij, Anno M. DC. XXXIII.

Quibus

Addita sunt Carmina funebria.



SERVESTÆ, Typis Andreæ Bezelij, Anno 1633.

m.



VIRO

Nobilissimo & Amplissimo

HEINRICO à VVERDER,

Hæreditario in Gröpzig, &c. Con-
siliario Anhaltino

Hoc pietatis & observantia


sua specimen

dicat

MELCHIOR TOBIAS

HÜBNERUS.

Pro-


PROGRAMMA INVITATORIUM:
RECTOR

GYMNASII ANHALTINI.

Studioſis Sal:

— *Festinat decurrere velox
Flosculus angustæ miseræq; brevissima vitæ
Portio,*

I*Ta præcipientem pueritiæ & adolescentiæ lapsum
describit Satyricus: Festinat flosculi instar ad
occasum, primo ætatis vere, & brevissimam
angustæ vitæ portionem citò exigit: ut sæpenu-
mè esse desinat priùs, quàm aliquandiu fuisse videa-
tur. Totà hoc experimur die! Hinc primos
pueritiæ & adolescentiæ annos ad omnigenam
formare virtutem laboramus, ut et atulæ brevitæ
tem singulari virtutum studio compensemus, &
ante diem puerilibus animis curas & cogitationes*

A 2

viriles

viriles inseramus, ut non immaturi, sed maturi, & in ipsâ primâ adolescentiâ, si rerum humanarum Moderatori D E O ita videatur, quasi viri decedant.

Providam hanc dilectissimi sui filioli, CUNONIS, curam egit nobilissimus vir, HENRICUS à VVERDER, Consiliarius Anhaltinus &c. Qui humane fragilitatis probe gnarus mature de viatico, non ca-duco illo, quod fortunæ expositum ludibrio, sed perenni & in ipsam usq; eternitatem duran-te (pietatis intelligo, probitatis & meliorum literarum studium) filiolo suo prospexit. Quam in rem postquam domi suæ nobilem hanc plantulam ex infantix angustiis edu-etam pietatis primisq; literarum rudimentis imbui curasset, veluti in fecundius trans-ferendam solum ratus, ante menses circi-ter novem, anno ætatis decimo, Serve-rtam misit. Nec fefellisset nobilissimum vi-rum spes, si liberaliori cultura aliquam in-
dul-

dulisset moram ultima necessitas. Jam enim paternarum virtutum micare igniculi: Jam & crescere discendi ardor & progressuum exstare specimina.

Sed incrementa festinantem & florentem interceptit Altissimi manus; quae cum caelo jam maturam nobilem plantulam terrenis inquinari sordibus nollet, marcore quidem lethali corpusculum afflixit, animam vero, inter ardentia ad DEUM suspiria, ad amoenissima beatæ æternitatis vireta, proximo XXV. Martij, traduxit: quam in magnâ illâ & decretoriâ die corpori suo renovato mortuorum & viventium Judex, DEUS, reddet.

Unum hoc jam reliquum, ut mortales exuviæ Matri terræ honestè, & pro nobilissima familiæ VVERDERIANÆ dignitate tradantur; Quod in urbis hujus majori templo à meridie, horâ primâ
A 3 fiet

fiet, Nobilis hujus ut funeris exequias, quâ
par est modestiâ, prosequamini, justisq̃ue in
templo planè peractis, in interiori templi re-
cessu, nobilem adolescentem nobili adole-
scentulo piè defuncto religiosè parentantem,
attentè audiatis, hoc publico programme
moneo. Dab. Servestæ, XXXI. Martij, An-
M. DC. XXXIII.

M. V. Vendelinus.





PARENTATIO

*In templo majori ad D. Nicol: in frequentissimo
Lugentium cætu habita*

MELCHIORE TOBIA
HUBNERO,

Adstantibus piè defuncti

CUNONIS à VVERDER

Sex Condiscipulis:

CUr atratus ego, squalidusq; puer, *Viri Nobilissimi, Consultissimi, Reverendi, Clarissimi, Doctissimi, Præstantissimi, &c.*

In hanc præstantissimorum viro-
rum coronam, cum hoc æqualium cætu prodeam, fortean mirabimini.

Muto mihi & elingui vocem largitur
& impeditæ linguæ rumpit vincula, quæ ligare aliorum linguas solet, *meroris* magnitudo. Unus

ex

ex ijs minimusq; sum, qui nobilissimo nuper
adolescentulo, *Musarum* alumno, CUNONI
à WERDER, *Magnifici & Nobilissimi Viri*
HENRICI à WERDER, *Anbaldini Con-*
siliarij, &c. filiolo dilectissimo (quem, eheu,
factum *funus* vidistis!) *commensalis, contuber-*
nalis &, in *Musarum* castris, *commilito* fui. Quos
videtis coætaneos & comites meos, ipsos atratos
& squalidos, profundo mærore mutos oppres-
sosque, in eodem fuere *convictu, contubernio,*
commilitio: Nos quoque in hunc pietas adigit
locum conspectumque vestrum, quem fugere
verecundia & ætatis ratio jubere potuisset, nisi re-
ligiosus erga defunctum *commilitonem* affectus
suasisset & persuasisset aliud.

Si quis defunctorum esset sensus, qui è cæ-
lesti regiâ mortalium exaudiret voces, altissimâ
ad te voce, suavissime *Cuno*, affectu calido & re-
centi vnlneri jubente, exclamaremus *contuber-*
nales & commilitones tui: siccine amicitia &
consuetudo nostra displicuit, ut orbos nos mæ-
stosque relinqueres, &, tam præter omnem ex-
pecta-

pectationem nostram, alios tibi *sodales* quæ-
res? Sed miseriam & orbitatem nostram subli-
miore cogitatione solamur. *E contubernio &*
commilitio nostro non nostri te tædium expu-
lit, sed summi Imperatoris DEI, sub cuius *signis*
nobiscum strenuè militasti, iussa evocârunt:
Stantem te & excubantem invenit, non gemen-
tē *è castris* eduxit: Recordamur enim voces
tuas, quas pietas & vitæ melioris desiderium, an-
te ægritudinis tuæ initia & indicia, tibi expres-
sit. *Vellem, vellem beatè nuper defuncto adessem,*
puerulo! vellem ex ærumnosa hac & caliginosa
mortalitatis valle ad beatæ aternitatis sudum
maturè evolarem! Evolâsti, evolâsti, ô *comili-*
tonum suavissime! præfaga instantis tuæ migra-
tionis ista fuère desideria. Recordamur fortissi-
mam tuam in ultimâ tuâ cum morte luctâ pati-
entiam; non à *tyrone* illa, vix à veterano *milite*
expectari poterat. Adeo pueriles annos tuos
mentis excessisti generositate! Durum imposu-
isti mortalitati onus, *fortissime puer*, quam pos-
se in ipsâ *pueritia* ad hoc fortitudinis pervenire
fastigium docuisti, penè ad *heroas* virtutis con-

B

sortio

fortio proventus, ut nemo jam mortalitatis imbecillitate suam excusare timiditatem possit. Nihil enim morte formidabilius, quam cum *puer* non formidaris, *Φοβερῶν Φοβερῶτατον* superasti, & viridi jam redimitus *laureolâ* beatæ immortalitatis *candidatus* triumphas. O te beatum! o te gloriosum! nos miseri tui *sodales* & *com-militones* humi repimus. Hebent nobis oculi ad virtutis gloriæq; tuæ jubar. Ipse tu cum mortales adhuc traheres exuvias, imbecillitatis & caliginis humanæ pertæsus, *miseriam* è lectulo deplorasti nostram. *Quid miseri*, ajebas, *nos homunciones*; Quasi cum *Peripati* Principe exclamares: *Quid? nisi imbecillitatis exemplum, temporis spoliolum, fortune ludicrum, mutationis imago, calamitatis trutina? aut cum Stoico Philosopho: Quid? nisi corpus imbecille, fragile, nudum, inerme, alienæ opis indigum, ad omnem fortune contumeliam projectum.* Quis crederet in *puerilem* ista ætatem cadere, quæ in sapientissimis miramur *Philosophis*? Sed altior te & divinior
Phi-

Philosophia imbuit non è *Peripato*, non è
porticu, sed è cælesti derivata fonte. Nemo
mirabitur, qui cum materno lacte pietatem
te haussisse intellexerit. Nemo mirabitur, qui
primos & articulatos linguæ tuæ motus ad pie-
tatem formatos intellexerit. Nemo mirabi-
tur, qui prima literarum rudimenta è sacris te
traxisse literis intellexerit: Nemo mirabitur,
qui magnam *Davidicorum* oraculorum partem
te mente complexum intellexerit: Nemo mi-
rabitur, qui te sermonis, dum lectulo affixus
hæreres, parcissimum in ardentibus effusum pre-
ces intellexerit. Vix enim elicere à te vocem
poterat, nisi mentis in DEUM & preces devo-
tæ mentio: quæ quoties à circumstantibus fa-
cta, tibi disertæ vocis usum reddidit, penè af-
flictis corporis viribus majorem, ut porrò non
incitandus, sed retinendus (ne languidum nimis
fatigares pectus) videreris. Has tu, *suavissi-
me commilito*, scalas, hos arietes admovisti
cælo: his machinis cælestem expugnasti ar-
cem, & in tuam redegisti potestatem! *Seni-
bus, juvenibus, adolescentibus, pueris in*
B 2 exem-

exemplum cedit pietas tua, patientia tua,
virtus tua! Mundo tu mortuus, antequam
morereris, ut DEO viveres, quando more-
reris. Quis obitum hunc tuum lugeat, si
tranquillâ sedatâque mente felicitatem gloriam-
que tuam reputaverit; si rectè beatissimam tu-
am vicem aestimaverit? *Puer* abijsti, sed metam
senibus præfixam, antequam abires, attigisti.
Marcuit primus *adolescentiæ* tuæ flos; sed ma-
turus, sed DEO consecratus, sed viridis mo-
dò & extra omne marcoris periculum positus. E
Musarum, inter prima melioris literaturæ ru-
dimenta, complexu abreptus es: Sed ad cæ-
lestem *Academiam* modò admissus, omnibus
sapientiæ magnitudine umbram facis, quorum
vel inter gentiles, vel in Ecclesiâ, sapientiam
admirata antiquitas. Formæ elegantiam exa-
nime corpus posuit: sed eâ lege, ut longè
majorem recuperaret, fulgidi que instar *sideris*
olim micaret. Et quid nisi mortales posuisti
exuvias, ut mox immortales reciperes?

Grata vale, nuper convictus portio nostri,

Militiæ nostræ portio grata, vale.

Æter-

*Aeternum salve, celi prænobile germen,
Et salve angelicis associate choris.
Hæc tuo tumultu violas, hæc lilia fratres
Spargimus: extremum hoc, quicquid ho-
noris, habe.
Nulla tui capiet mentes oblivio nostras,
Nec poterit laudes lingua silere tuas.
Sidera dum magnum celi per inane meabunt,
Dumq; suas tellus Dædala fundet opes.*

Ad vos me convertò, *Viri Nobilissimi,
Consultissimi, Reverendi, Clarissimi, Do-
ctissimi, Prestantissimi*, qui fratri & commi-
lioni nostro ultimum modò humanitatis offic-
um, frequenti confluxu, religiosè præstitistis.
Mortalitatis nostræ *speculum* vidistis, beatæ im-
mortalitatis spem, nisi fallor, renovâstis, no-
strique *fratris & commilitonis* exemplo, non
adeò formidandam esse mortem, quam & *puer*
superare valeant, intellexistis. Nos, quò prom-
ptam & religiosam hanc vestram remuneremur
humanitatem, non habemus, nisi memoris gra-
tæque mentis pignus, quod omnes & singuli de-
missè

missè offerimus, dum majora, si visum DEO ita fuerit, polliceri & præstare ætas nostra aliquando major poterit. Præstabit nobilissimus & mæstissimus defuncti fratris nostri parens, quem hinc filij adesse *exequiis* magnitudo mæroris non patitur. Hunc uti magnum literatorum *Mæcenatem* sincerè admiramur: ita pio hoc nostro, erga defunctum ejus filiolum, *fratrem* nostrum, affectu animus nobis est submissè venerari.

D I X I.



CAR.



I.
CARMINA FUNEBRIA.

Ad Beatos manes
*Nobilissimi, atq; optime indolis & spei
Adolescentis*

CUNONIS à VVERDER,

Toù cu a'iois

Ingenij dotes Generis splendore corusca,
Cordisq; exemplar de meliore luto
Si summi legem potuissent vertere **FATI,**
Dignus eras annos vivere Nestoreos.
Intenam **GENII, GENTIS, MENTISq;**
Contulerant dotes sic ubicunq; suas; (decores
Ut spes teq;, tuos jam tum præclara foveret,
Non fore tam rari Floris inane decus;
Teq; Bonis olim exemplum, lumenq; futurum,
Et **PATRIÆ** columnen, presidiumq; tuis.
Sed

CAR.

*Sed quia te caelum vocat, ac divina voluntas,
Flosculus ad superos intemeratus abis:*

Scilicet intactum petijt te caelica florem.

P A T R I A, ne scires, ne faceres vè malum.

Salve erepte malis, quibus undiq; cingitur orbis,

Salve Cassa S O L O plantula, viva P O L O.

Johann. Sturmius Cancellarius

Servestanus.

Ejusdem Paraphrasis Germanica,

Wann Adel des Gemüths / wann des Geschlech-
tes Adel (del

Ein Exemplarisch Hertz rechtschaffen ohne Za-
hett können halten vff das Ziel der Sterblichkeit /
Wehrt ihr gewesen wehrt zu leben Nestors Zeit.

Dann was ein Edles Blut vor gaben können zieren /
Die wahren heuffig All an euch mit lust zu spüren /
Das an so zarter Blüet wol jeder kont absehn /
So schöne Blume nicht vergeblich würd vffgehn.

Za / das ihr mit der Zeit ein Spiegel schön den fromen /
In Tugend würdet sein / der auch zu hülff möcht komen /
Mit rath dem Vaterland in sein zerrüttenstand /
So wol mit Trost / vnd Schutz den seinen gehn an
Handt.

Die

Dieweil dem höchsten Gott es aber so gefallen
Aus dieser argen Welt mit euch in Zeit zu Wallen/
So ländet auch mit euch im Himmel an ewr Ruhmb/
Vnd sterbt ab dieser Welt ein unbefleckte Blumb.
Freylich! hat Gott mit euch aus dieser Welt geeilet/
Damit ewr Edles Herz/ vnd Seel allhier versüet
Nicht würd in Eitelkeit/ vnd der des besten lust
Euch nicht verkehrte / ja ihr die nicht eins gewußt.
So sey dann nun begrüßt von vns zu tausent mahlen
Du Edle Himmelsblum erloest aus allen quahlen (Grab
Die vns vmbgeben noch. Ruhet gleich dein Leib im
So lebst du doch in Gott der Welt gestorben ab.

Eodem Authore.

I L.

Inter germina blandientis auræ,
Flores inter amœnitate vernâ
CUNO à VVerder amœnioris avi
Germen nobile, flosculusq; vernans,
Præter spem, perit. at quid? hoc volebam:
Præit, non perit. immò jam supernam
Cœlorum subijt beatus oram.
Post idem ocius ad suos redibit
Mente ac corpore denuo ligatis.
Quovis germine pulchrior redibit,
Quovis flosculo amœnior vigebit:
In omne, inquit, sic vigebit ævum,
In omne, inquit, sic manebit ævum!

M. Christianus Beckmannus Servestæ antistes &
Theologiæ ibidem Professor.

A d.

III.

Ad Nobilissimum Adolescentem

CUNONEM à WERDER,

Currente ætatis anno decimo pié defunctum.

Siccine precipitas abitur, fingentis & inter
Naturæ digitos in cinerem ire juvat?

Ire juvat: Quoniam sedit sententia mente
Sancta, Redemptori te sociare tuos.

Porrectam è cælo Christi dextramq; sinumq;
Vidisti. Tantum mentis acumen erat!

Non desiderio statui modus aut mora promptos,
(Sic ire ardebas:) impediisse pedes:

Non iter ambages poterant producere: recto
Tramite te mentis impetus ire jubet:

Ire jubet, patremq; jubet salvere, valere:
Quod charum in terris deseruisse jubet.

Vah desiderium & mentis sacer impetus alta!
Hocce senes puero tendite ad alta duce.

M. VVendelinus G. A. R.

IV.

Conditur hoc tumulo Majorum stemmate CUNO
De VVERDERORUM nobiliore satus:

Huic HENRICUS erat Genitor, prudentibus usa
Consiliis ejus Patria sæpe fuit:

Quem paucos inter virtutibus incluta dudum
Suspicit Ascanii Principis Aula virosi.

Majorum Puer hic vestigia celsa secutus
Gloria virtutum cerra futurus erat:

Ingenium hoc præstans puerili in pectore, & illa
Virtutis raræ splendida signa dabant.

Sustulit ingrato tam rarum sustulit orbi,
Qui dederat Patriæ, præcoce morte decus,

Ne

Ne scelerata pium vitiorum semina peccatus
Corruptum pravâ non sine labe darent.
Quin lacrymis igitur, Genitor tristissime, cessas
Assiduus peccatus tandem onerare tuum?
Omnibus creptus jam curis Filius omni
In cœlo purus crimine latus ovar.

M. Petrus von Jena Reipub. Servestana Consul
& Illustr. Gymnas. Adjunctus.

Navit a jò felix, felici Numine, vastum
Cui pelagus tranare datur, datur exoptato
Littore tot tandem votis uti atq; fruisce:
Tu potius, tandem genio ingenioq; future
Nobilior, germen prælustre, beatior illo,
Chare puer, memorandus eris mœrore sepulto.
Nam mundi immaundi ne jactareris in undis
Perpetuo, aut vis magna mali Te mergeret; En mos
Cœlestem in teneris annis feliciter oram
Attingis, miraris opus stellantis olympi, &
Gaudia latus agens cœlestia Numen adoras.

Paraph. Germanica.

En Schiffman glücklich ist / der durch des Meeresbrausen /
Und Wellen ungehewr / bey Norderwinde sausen
Nach Hergenswünsche fehr / erstrandet seinen Port /
In dem er ohn Gefahr mög bleiben also fort.
Daber seliger send ihr / ihr Edle Rosel
Ihr edles junges Herr. Denn damit in der losen
Unsaubern Welt See ihr zu schwimmen von der Noth
Fortan nicht herr / zu sich / euch der getreue Gott
Genommen. Nun send ihr ganz selig angelendet
Im ewign Lebens Port / selig habt ihr vorwender
Wie Sterb / Unsterblichkeit / lebt nun in höchster Freud /
See / lobt und singt Gott an in alle Ewigkeit.

contestanda debita condolentia E. deprop.

Balthasar Wircker B. A. Jur. Candidat.

Maxima Musarum cælo descende, mihiq;
 Lugubres dicta Calliopea modos,
 Quæis retegam miseræ faciesq; facesq; dolorum,
 Qui sub corde furunt visceribusq; meis?
 Dic mihi, quale melos moribundo guttore cygnus
 Ad Tanais ripas, seu vada nota canit,
 Dic mihi, quod Thracum raptâ muliere sacerdos
 Dixerat, ad cuius se posuere sonum
 Æolio rabidi dimissi carcere venti,
 Atque quieverunt monstra feræq; truces.
 Ah ah: unde meos questus exordiar? unde?
 Quid primum dicam, nescio vel quid agam?
 Namque meus gnatus, curarum dulce levamen
 Gustavit gelidæ pocla parata necis.
 Hunc nunquam, dum sol perlustrat lampade terras
 Pallentes, oculis ipse videbo meis.
 Ah non conspiciam, nisi fessæ claustra relinquam
 Vitæ, dirumpet filaq; Parca ferox.
 Jam, jam lætitiæ, jam gaudia læta valete,
 Jam valeat, quondam quod mihi dulce fuit.
 Jam lachrymæ mentis turbatæ signa venite,
 Perpetui planctus quæso, venite mihi.
 Daulias ut queritur ramis innixa novellis,
 Atq; dolor mœstam conficit ante diem,
 Cui pullos teneros è nido callidus auceps
 Extraxit tacitâ furtificâq; manu.
 Sic ego conspectu gnati privatus amato
 Conqueror, & mœstum conficit hicce dolor.
 Sæpius invisâ cupio cum morte pacisci,
 Mundiq; impatiens supplice voce precor,
 Ut tandem Parca dirumpant stamina vitæ,
 Quò jungar gnato, his eripiarq; malis.
 Ah cur non properas mors, mors cur quæso moraris?
 Pectoris afflicti respice vota mei.

Georgius Hermanni Desâ- Anhalt.

Ach leider/ liebstes Kind/ herr ich da können meinen/
 Daß man mich sehen solt an deinem Grabe weinen/
 Als kurt vor deinem Tode du zu besuchen kamst/
 Mich/ vnd durch dein Ankanfft der Kranckheit theils benamst/
 Als du/ daß ich dich lieb nun ziehen/ mich ermahntest/
 Als du frisch vnd gesund vor mir dich wieder wandrest/
 Als ich bath/ daß du wol selbst deiner hettest acht/
 Als mit viel Thränen mir du gabest gute Nacht/
 Ach leider gar zu früh hat mich der Todt geschieden/
 Von dem/ durch dessen Trost ich Trawrigkeit vermieden/
 Ich hab Ursache wol jetzt zu beklagen mich/
 Stets vber seinen Todt mein Herzk wird krencken sich/
 Ihn werd ich nimmer nicht aus dem Sinn können schlagen/
 Viel minder hören auff des Tods Grim anzulagen/
 Besondern immer zu die Augen halten naß/
 Von Thränen/ vnd mein Herzk in Angst ohn vnterlaß/
 Dann meinen liebsten Sohn hab ich an ihm verlohren/
 Den ich den andern stets vorzog vnd mir erkohren/
 Den die Natur mir nach gebildet eigentlich/
 Der still/ gehorsam/ from/ allzeit lieb finden sich/
 An dem gedachte noch mein Herzk Freud zu sehen/
 Den ich verhoffte noch an Vaters Stell zu sehen/
 Der meiner grauen Haar noch solt annehmen sich/
 Den hat der Todt hinweg gerafft so jämmerlich/
 Der mir für diesem Lust vnd Freude konte geben/
 Der machet mir numehr verhasset dieses Leben/
 Der machet/ daß ich mich quehl ohn vnterlaß forthin/
 Der machet/ daß ich schon des Todes eigen bin/
 Derhalb kom nur bald/ Todt/ der du ohn Mitleiden/
 Vnd ohn ansehen der Jahr so grausam dörfen scheiden/
 Den Vater von dem Sohn/ volführe deinen Grim/
 Vnd den/ der schon halb Todt/ nur vollends bringe umb/

Hinweg mit aller Freud/ hinweg mit allen Scherzen/
 Es lehre hinfort ein/ bey mir nur eitel Schmerzen/
 Was mir zuvor lieb war/ jetzt habe gute Nacht/
 Es falle Traurigkeit mich hinfort an mich macht/
 Dann wie ein Nachtigal bekümmert vnd betrübet
 Auf einen Zweig sich setzt/ vnd grosses Klagen übet/
 Sich selbst auch/ verzehret/ wann eines Menschen Hand
 Die lieben Jungen ihr hat listiglich entwand/
 Also wird mich mein Schmerz auch endlich ganz verzehren/
 Dieweil ich meines Sohns Anblicks nun muß entbehren/
 Ach wie viel Herzens Stöß nun werde leiden ich/
 Wie wird so herzlich doch mein Tod erfreuen mich/
 Daß ich nur meinen Sohn/ mit Augen möge sehen/
 Vnd also in die Freud/ der er genießet gehen/
 O Todt/ kom doch nur bald des Schmerzens mich beitim
 Vnd mich nach meinen Wunsch aus dieser Welt reiß hin.

VII.

Quos studium, genus & convictus junxerat idem,
 Hos distraxerunt lurida tela necis.
 Tu nitida gaudes aula stellantis olympi
 Felix commiles, quando ego versor humi,
 Sed tua sic meruit pietas, patientia, virtus,
 Ut vivas felix semper apud superos.
 Digna foret talis pietas, sociumq; deceret,
 Ut versu laudes ferret ad astra tuas,
 Sed terrent alii Musam, dissuadet & atas,
 Dissuadet tandem vena benigna minus,
 Hoc igitur grate mentis cape pectore grato
 Pignus & electis associate vale.
 Nominis ipse tui memor, hos dum spiritus artus
 Diriget, & vitam morte lucrabor, ero.

Ludovvicius à VVürchenau.

Qui

IIX.

Qui bis quinque suæ ætatis compleverat annos,
 Et septem menses, vix toridemq; dies,
 Pertæsus mundi, fretus non viribus hasta,
 Et clypei durî, sed pietate suâ,
 Provocat ad pugnam mortem, devincit & ipsam,
 Virtutisq; suæ præmia digna capit.
 Hujus enim mundi vitiis ereptus in aulam
 Ducitur ætheream, se sociatq; piis.
 Salve igitur victor, victa qui morte triumphas,
 Mulcet ubi Elysiæ aura beata rosas.
 Salve, iterum salve gratissima portio cæli,
 Dum vivam, memor hæc sit mea lingua tui.

Melchior Tobias Hübner.

IX.

Nunc tepet apricus Zephyris spirantibus æer,
 Letaq; formosi tempora veris eunt:
 Nunc viola rursus, nunc gramina mille colorum,
 Quæ prius immitis læserat aura, virent.
 Nunc tepidum volucres concentibus æera mulcent,
 Ludit & in pratibus luxuriatq; pecus.
 VERDERUS, cunctis neglectis, flore juvenæ
 Liquit humum tristi contumulatus humo,
 Arrisere magis cælestis regna salutis,
 Veris inexpliciti perpetuanda dies:
 Cultra ubi vivaci viridantia cincta Smaragdo
 Cælesti florum fertilitate vigent.
 Salve ergo, salve campos sortite beatos,
 Cui datur æterni veris honore frui.
 Nos tibi jungemur veniet cum terminus orbi,
 Cum commutabunt terra fretumq; vices.

Rudolphus Wendelinus

Hæren-

Hærentem veluti deducit aranea telam
 Semper dependens, nec sit inane & opus;
 Sic etiam nostros homines consumimus annos,
 Atq; mera est vitæ fabula, bulla, labor.
 Hic juvenis Cuno generoso è stemmate natus
 Floruit ut flores culta per arva nitent,
 Et terrâ factus, sed mox mutatus in ipsam,
 In quam nos omnes Biblia abire docent:
 At tu summe Deus nosmet super astra repone,
 In quibus hinc fidos gaudia magna manent.
 Quo tibi præclaras, Jesu, præconia soli
 Cantemus laudes perpete voce tuas.

Philippus Becmannus Mülhusinus

F I N I S.





Nh 112



ULB Halle 3
004 932 978





Æ
 SCENTULI,
 VERDER,
 Nobilissimi,
 DER, Consiliarij
 dilectissimi,
 DC. XXXIII,
entium catu
 e
 ente,
 AHÜBNERO,
 T Æ,
 .DC. XXXIII.
 a funebria.
 æ Bezelij, Anno 1633.

10
11

m.

